

# 北斗消灾解二十四厄寶錄

太極便宜司本司為禳星解厄事牒述

共和天下

道叩斗預禳禳星解厄信人

居住奉

右暨 人等即日上午

洪造意者敬為 名下命元 年


月 日 時建生 上叨

北斗第 宮 星君主照掌判生成即日拜請

北斗消灾寶錄一階用以消灾解厄

大聖北斗七元君，能解三灾厄。


## 解三灾厄章



頌曰..

六緣味觸與馨香，化出三灾患禍長。空笑蜃樓生海角，却迷雁字遠穹蒼。不知物假因何物，須信良由可自量。剛向野漢雲影裏，盤桓無語立斜陽。大聖北斗七元君，能解四煞厄。


## 解四殺厄章



頌曰..

六塵多為不能除，四煞相刑起患虞。既是怪邪降未得，自然魅鬼鬥欺誣。狂風斷送庭前菊，驟雨摧殘江畔盧。空恨這般瀟灑事，劫終劫始現還無。大聖北斗七元君，能解五行厄。


## 解五行厄章



頌曰..

須識元初舊主公，神形高出五行中。鬱羅本豈白雲鎖，苑藪何曾綠水通。萬法謾然唯古月，千言應是只宗風。有為有相多端異，不昧觀空方見空。大聖北斗七元君，能解六害厄。


### 解六害厄章



頌曰..

七元大聖智通幽，六害緣何敢出頭。風掃暮雲山不動，月沉寒浪水湍流。空因實相知真相，塵睹貪憂覺幻憂。但肯日時生鑑戒，自然光滿四神州。大聖北斗七元君，能解七傷厄。


### 解七傷厄章



頌曰..

寶臺玉府道含真，七賊駭尋鬥損因。風樹只堪驚好夢，月漢實可恣閑行。鍊丹不在金和玉，保性休迷濁共清。但要心頭諸漏息，自然火內碧蓮生。大聖北斗七元君，能解八難厄。


### 解八難厄章



頌曰..

頑性皆因逐世囂，幻生八難受煎熬。不知形體來憑限，須信年光去莫逃。忍起一心迷愛慾，却甘百禍苦籠牢。罪成懺悔何堪倚，寶鑑頻磨無半毫。大聖北斗七元君，能解九星厄。


解九星厄章



頌曰..

否泰交宮豈解憂，九星那肯降愆尤。都緣一點靈明暗，放縱羣魔競出頭。別了故園無意戀，却迷幻樂苦貪求。問君不脫纏身索，神性何時得自由。大聖北斗七元君，能解夫妻厄。


解夫妻厄章



頌曰..

配合誰知隱大羅，鍊時當要束羣魔。陰陽暫得歸元路，神性應須出愛河。翠嶺夜觀山月秀，碧溪曉覺海風和。堪嗟未悟狂徒子，不顧真空濫者多。大聖北斗七元君，能解男女厄。


解男女厄章



頌曰..

靈明元本不差殊，相貌隨因則異途。水漫雲寒波自凍，日昇煙煖凍還無。寂然幸是常清靜，智性須教惹患虞。只恁失其真妙理，閻浮往復廢工夫。大聖北斗七元君，能解產生厄。


解產生厄章



頌曰..

識因迷復昧塵埃，諸漏情開道不諧。幼去老回衰幻相，出重還入假形骸。輪迴削盡莊嚴境，濁穢遮交寶鏡臺。今勸世間真上士，好修無去亦無來。大聖北斗七元君，能解復連厄。


### 解復連厄章



頌曰…

神性無爲無繫囚，復連非累自何由。物華不識元同異，真理埋蒙使未周。八苦競來生障礙，十纏并湊起驚憂。也知似恁何方晚，祛已迴頭一例休。大聖北斗七元君，能解疫癘厄。


### 解疫癘厄章



頌曰…

炎涼風雪去還來，斷送殘軀結眾灾。攝養不知調暢理，貪癡甘分損形骸。六賊偷耗圓光少，五鬼津般疫禍催。除是自真開大聖，扶危脫患拯輪迴。大聖北斗七元君，能解疾病厄。


### 解疾病厄章



頌曰…

凡夫欲要出塵泥，自病休教用彼醫。心地不能除執見，口談真教濟何爲。鏡前未到元無跡，月下雲生本亦輝。中道兩邊都不立，笑歸岩畔指寒溪。大聖北斗七元君，能解精邪厄。


解精邪厄章



頌曰..

頑心不肯滅諸緣，塵界精邪鬥見前。真靜道玄增日減，癡貪俗樂轉時憐。形容漸次衰華室，神水偷那損玉田。爭似省知煙月事，保存正炁壯童年。大聖北斗七元君，能解虎狼厄。


解虎狼厄章



頌曰..

玄元妙道太幽微，樸散虛无誰得知。歷劫未常生與滅，迴黃應是醒還迷。秋天幸有無雲月，曲岸安詳恐污泥。伏虎擒龍端的處，也須真箇在男兒。大聖北斗七元君，能解蟲蛇厄。


解蟲蛇厄章



頌曰..

莫令元識換重更，性定諸塵自不生。猿馬得於煙嶺寐，蟲蛇儘縱迅雷驚。春芳谷中鶯吟日，幽浦溪頭燕弄晴。對景自家承當得，萬山風月轉分明。大聖北斗七元君，能解劫賊厄。


解劫賊厄章



頌曰..

有誰預可制凶危，雲外玄玄乃得披。先地先天通正理，劫初劫壞自無期。  
廓明內外圓融事，覺照仙凡造化機。一戰卒然妖怪盡，耗賊蹤跡眇無知。  
大聖北斗七元君，能解枷棒厄。


### 解枷棒厄章



頌曰..

縛住頑心不亂爲，三千刑憲自亡威。頓開妙覺金枷脫，大啓玄風玉扭摧。  
曉岸洞明仙隱隱，寒潭朗照月依依。教君會得高天理，苦樂元來只在伊。  
大聖北斗七元君，能解橫死厄。


### 解橫死厄章



頌曰..

真覺圓融保混成，玄華上下廓然清。寶珠萬古光何暗，玉洞千開道本明。  
爲縱六根迷不悟，情開諸漏死還生。欲求高出輪迴徑，方寸靈明莫用輕。  
大聖北斗七元君，能解呪誓厄。


### 解呪誓厄章



頌曰..

滯網浮生不鍊修，苦迷幻化恣貪求。逍遙元相塵籠閉，無礙真靈慾柙囚。  
惱至誓盟心樂道，事消還有道心休。驅驅碌碌迴輪走，問汝何時是徹頭。  
大聖北斗七元君，能解天羅厄。


解天羅厄章



頌曰..

無為真理去無蹤，皆是心迷路不通。亘古只因貪世欲，迄今縮住昧玄空。  
鶯吟那解楊梢綠，蝶舞寧知花蘂紅。天殺天生恩害事，好求幽奧破昏蒙。  
大聖北斗七元君，能解地網厄。


解地網厄章



頌曰..

須知世慾患身多，好躍高情越網羅。貪愛遂心平地少，癡慳恣意轉成魔。  
坑深求出應勞力，未漸之時莫剝那。雲水煙濤從汗漫，小舟輕泛過迷河。  
大聖北斗七元君，能解刀兵厄。


解地獄厄章



頌曰..

世上刀兵有幾般，是非叢裏謾相干。語言讒毀如鋒刃，心地含容便覺寬。  
一念改修祈度劫，坦然燈火也成寒。中天自有璇璣主，幹運扶持總不難。  
大聖北斗七元君，能解水火厄苦。

解一切厄章



頌曰..

慾海滔滔浩接天，炎炎業火解燒原。虛明湛寂清無浪，柔順寬容冷不煙。  
色相兩空心自靜，是非無染任隨緣。水升火降成真道，高架津梁濟大川。

右謹上奏

北斗星君 乞爲奉

道投誠善信人等

消灾度厄增福延齡謹奏

天运 年 月 日告下

叨宣經科小臣

奉行

祖先天主將赤心護道王天君 主盟